


Is paisinéirí sibh ar shó-línéar (Daonlathatic) ag seoladh thar farraige anonn. Is duine thú as an 100 duine atá idir 16 agus 56 bliain d'aois ó gach cineál cúlra, aoise agus náisiúntachta. Buailtear an long ag fíor-dhrochaimsir, tógtar uisce isteach agus téann sí go grinneall. Buíochas le Dia, tagann na paisinéirí agus an fhoireann uile slán i mbáid tharrthála.

Tagann sibh i dtír ar oileán darb ainm Dolce Vita, Oileán na Beatha. Is oileán álainn te grianmhar é seo gan aon duine ina chónaí air. Níl aon chaidreamh agaibh leis an domhan taobh amuigh, agus le maireachtáil ar an oileán álainn seo, caithfidh an grúpa dea-chinní a dhéanamh faoin dóigh a mairfidh sibh slán go dtí go ndéanfar tarrtháil oraibh. Sa ghníomhaíocht seo, díreoidh sibh bhur n-aird ar a thábhachtaí atá sé rialacha a bheith ann ar an oileán le go dtiocfaidh gach duine slán.



Tá feabhas ag teacht ar chúrsaí ar an oileán. Tá áit chónaithe ag gach duine agus tá go leor le hithe agus le hól acu. Lena chinntiú go gcaithfear go cothrom le gach duine, cuireann sibh sraith chomhaontaithe de rialacha le chéile. Go hiondúil, déanann gach duine a dhícheall lena chinntiú go riarfar ar riachtanais a chéile. Ach, tharlaíonn sé in amanna go ndéanann daoine áirithe a rogha rud ainneoin go bhfuil rud eile socraithe ag na daoine eile.



9.2b - Fadhb an Bhia

An bia a bhailigh sibh san oíche faoi choinne bricfeasta, thug tú faoi deara, agus tú á ullmhú ar maidin, go bhfuil cuid de ar iarraidh. Socraíonn cuid agaibh faire a dhéanamh san oíche agus faigheann sibh amach go bhfuil duine amháin ó do ghrúpa á ghoid agus á choinneáil dó/di féin. Is deacra anois ná riamh teacht ar an chiondáil bia.

9.2c - Fadhb an Uisce

Tá obair fhada dhian i gceist chun bia agus uisce a bhailiú agus a ullmhú don ghrúpa. Caithfidh do ghrúpa, mar sin, an soláthar d'uisce glan óil a chur ar ciondáil. Ach, tá ball amháin den ghrúpa ag ól uisce daoine eile. Dá bharr seo, tá roinnt daoine ag éirí tinn mar go raibh orthu uisce neamhchóireáilte a ól.


9.2d - Fadhb na Dídine

Tá obair dhian agus ardchaighdeán scileanna i gceist chun ábhair a bhailiú don dídean agus chun í a thógáil. Tá ceathrar daoine i ndiaidh grúpa a bhunú agus chuir siad in iúl go bhfuil dídean dá gcuid féin tuillte acu, mar go bhfuil siad iontach tábhachtach agus ardscileanna acu. Thóg siad an t-ábhar ab fhearr dá riachtanais féin, agus is beag atá fágtha don chuid eile den ghrúpa.

9.2e - Fadhb an Bhrosna

Tá obair dhian i gceist chun broсна a bhailiú agus caithfidh gach duine sa ghrúpa a d(h)ícheall a dhéanamh. Ach, tá ball amháin den ghrúpa nach bhfuil chomh dícheallach céanna leis na daoine eile. Tá do ghrúpa ag streachailt chun go leor broсна a chur ar fáil do gach duine lá agus oíche. Tá gearán á dhéanamh ag cuid de na daoine eile.

Cad iad na héifeachtaí nuair a bhíonn rialacha agus dlíthe á sárú ag daoine?



Éifeachtaí ar gach duine ar an oileán



Réitigh ar an fhadhb

Cearta Daonna

Freagracht
Shóisialta

Ord á
Choinneáil

10

12

14

16

17

18

**Ceannaigh
toitíní**

**Téigh san
arm**

**Ceannaigh tinte
ealaíne le
ceadúnas
speisialta**

**Faigh cóireáil
mhíochaine nó
dhéadach gan
cead
tuismitheoirí**

Faigh tatú

**Ceannaigh
peata**

**Roghnaigh do
DG (GP)**

Vótáil

**Glac socrúchán
poist**

**Éirigh as a
bheith faoi
chúram**

**Ceannaigh
alcól**

**Faigh Uimhir
Árachais
Náisiúnta sa
dóigh go dtig
leat cáin a íoc**

**Sínigh faoi
choinne liúntais
tacaíochta
ioncaim**

**Féach do thaifid
oibre sóisialta**

**Faigh amach cé
hiad do
thuismitheoirí
breithe**

**Déan
eighlíocht linbh**

Fág scoil

**Pós le cead
tuismitheoirí**

Déan uacht

**Tiomáin
tarracóir nó
móipéid**

**Faigh polladh
coirp**

**Ceannaigh
ticéad
crannchuir**

**Déan seirbhís
giúiré**

**Féach taifid
míochaine**

Faigh pas

**Cuir geall i siopa
geallghlacadóra**

**Bí freagrach
as coir**



Baile a fhágáil (féach nóta 1)	18
Alcól a cheannach	18
Fáil amach cé hiad mo thuismitheoirí breithe	18
Vótáil	18
Tatú a fháil	18
Síniú faoi choinne liúntais tacaíochta ioncaim	18
Geall a chur i siopa geallghlacadóra (féach nóta 2)	18
Seirbhís giúiré a dhéanamh	18
Pósadh gan cead tuismitheoirí	18
Uacht a dhéanamh	18
Éirí as a bheith faoi chúram	17
Toiliú do chaidreamh collaí (féach nóta 3)	17
Toitíní a cheannach	16
Dul san arm	16
Cóireáil mhíochaine/dhéadach a fháil gan cead tuismitheoirí	16
Scoil a fhágáil (féach nóta 4)	16
Tarracóir/móipéid a thiomáint	16
Tinte ealaíne a cheannach le ceadúnas	16
DG (GP) a roghnú	16
Socrúchán poist a ghlacadh	16
Uimhir Árachais Náisiúnta a fháil le cáin a íoc	16
Pósadh le cead tuismitheoirí	16
Ticéad crannchuir a cheannach	16
Taifid míochaine a fheiceáil	16
Polladh cluas a fháil	14
Polladh coirp a fháil	14
Taifid oibre sóisialta a fheiceáil	14
Peata a cheannach	12
Bheith ciontaithe i gcoir	10



Nóta 1: Tig leat baile a fhágáil ag 16 má phós tú (le cead tuismitheoirí)


Nóta 2: Tig leat geall a chur ar pheil ag 16

Nóta 3: Má bhíonn caidreamh collaí ag bean atá faoi bhun 17, níl sise ciontach i gcoir (ach tá an fear ciontach in éigniú reachtúil). Níl aon aois reachtúil toilithe ann d'fhir. Má bhíonn caidreamh collaí ag bean atá os cionn 17 le buachaill atá faoi bhun 14 tá sí ciontach ansin in iompar mígheanasach i leith linbh. Meastar fear óg faoi bhun 14 a bheith neamhchumasach i leith éigniú a dhéanamh ach féadtar é a chúiseamh as cuidiú agus neartú éignithe nó as ionsaí mígheanasach.

Nóta 4: Caithfidh tú fanacht go deireadh na scoilbhliana








**Féach, le do thoil, comhad PDF (9.5b)
ar leith le haghaidh teimpléad
Anailís Pictiúr**

Abhcóide nó aturnae (cosaint)	Fiafróidh den duine óg cad é a tharla, cuirfidh comhairle orthu agus áiteoidh a gcás os comhair cúirte
Póilín	Fiosróidh an choir, gabhfaidh agus cuirfidh agallamh ar an té atá faoi amhras, agus cúiseoidh iad
Giúistís	Éistfidh an cás, socróidh cé acu ciontach nó neamhchiontach atá an cosantóir agus tabharfaidh breith (mura cás tromchúiseach é)
Oifigeach Promhaidh	Déanfaidh mairsiú ar an chiontóir má iarrtar sa bhreith é (msh seirbhís phobail), agus déanfaidh iarracht an ciontóir a chur ar bhealach a leasa
Breitheamh	Éistfidh an cás, socróidh agus tabharfaidh breith (más cás tromchúiseach é)
Giúiré	Socróidh cé acu ciontach nó neamhchiontach atá an cosantóir (i gcás cásanna tromchúiseacha)
Oifigeach príosúin	Tabharfaidh cúram don chiontóir má ghearrtar príosún air

**Féach, le do thoil, comhad PDF (9.6b)
ar leith le haghaidh Cad é a
Tharlaíonn Nuair?
....míreanna mearaí**



Sa seachtú haois déag coilíníodh an Afraic Theas ag na Dúitsigh agus na Sasanaigh. Sna céadta ina dhiaidh sin, ghabh na coilínigh gheala, le lámh láidir, smacht ar thalamh na nAfracach a bhí ina gcónaí ann ó thús. Bhain an tír neamhspleáchas amach in 1910, agus de réir an bhunreachta nua bheadh an chumhacht pholaitiúil ag an mhionlach gheal i gcónaí. Cuireadh an córas apartheid (a chiallaíonn "cinedheighilt") ar bun agus scar sé cine geal na hAfraice Theas ón chine ghorm, ó na hÁisigh, agus ón chine mheascaithe.

Anseo thíos tá roinnt samplaí de dhlíthe a ritheadh san Afraic Theas le linn na 1950í:

An tAcht um Chlárú Daonra

De réir an dlí seo bhí na daoine rangaithe ina 3 ghrúpa chiníocha: geal, daite (cine meascáithe nó Áiseach), agus dúchasaigh (Afracach/gorm). Bhí cosc ar phósadh idir na ciníocha le hionacht chiníoch a choinneáil.

An tAcht um Limistéir Ghrúpaí

Leag sé seo sainphobail amach do gach ceann de na "ciníocha". Coinníodh na limistéir ab fhearr agus formhór na dtailte don chine gheal. Cuireadh na daoine nach den chine gheal iad isteach i "dtearmainn". Tugadh ar theaghlach a raibh cine meascáithe iontu maireachtáil scartha óna chéile iad.

An tAcht um Chaomhnú Conláistí Leithleacha

San acht seo bunaíodh páirceanna, trána, oifigí poist agus ionaid phoiblí eile amhail leithris don chine gheal agus don chine neamhgheal ar chonláistí iad a bhí "leithleach gan a bheith cothrom".

Acht Oideachais Bantu

Tríd an dlí seo, bhí oideachas an chine ghoirm uile á stiúru ag an rialtas geal. De réir an churaclaim bhí ar an chine ghorm glacadh leis an chumhacht gheal. Ní raibh cead ag daoine neamhgheala freastal ar ollscoil de chuid an chine gheal.

An tAcht um Chealú Pasanna agus Chomhordú Doiciméad.

Bhíodh ar gach Afracach gorm leabhrán aitheantais a iompar ar a raibh an t-ainm, an seoladh, méarlorga, agus faisnéis eile. Stoptaí na hAfracaigh go minic agus chiptaí faoina bPasanna iad.

**Féach, le do thoil, comhad PDF (9.7b)
le haghaidh teimpléad freagartha
Dífear á Dhéanamh.**

**Féach, le do thoil, comhad PDF (9.7c)
le haghaidh Dífear á Dhéanamh san
Afraic Theas.**

Dearbhú Uilechoiteann Chearta an Duine

- Tá gach duine cothrom, beag beann ar aois, ghnéas, chine, chreideamh nó dhath craicinn.
- Tá sé de cheart ag gach duine a bheith beo, saor agus slán.
- Níl sé ceadmhach duine a choinneáil mar sclábhaí.
- Ní cóir duine a chéasadh nó drochíde a thabhairt dó/dí.
- Ba chóir don dlí plé le gach duine ar an dóigh cheannann chéanna.
- Ní cóir duine ar bith a ghabháil, a chur chun an phríosúin nó a dhíbirt as an tír aige/aici gan cúis mhaith.
- Tá de cheart agat triail chothrom phoiblí a bheith agat.
- Tá tú neamhchiontach go dtí go gcruthaítear os comhair na cúirte go bhfuil tú ciontach.

Tá de cheart ag gach duine:

- príobháid a bheith aige/aici;
- cead a bheith aige/aici bogadh ó áit go háit;
- náisiúntacht a bheith aige/aici;
- pósadh agus clann a thógáil;
- sealúchas a bheith aige/aici;
- saoirse smaoinimh, coinsiasa agus creidimh a bheith aige/aici;
- barúil a bheith aige/aici agus cead í a chur in iúl;
- agóidí agus cruinnithe síochánta a reáchtáil;
- vóta a bheith aige/aici i dtoghcháin chothroma;
- obair a bheith aige/aici agus luach cothrom an tsaothair a fháil;
- dul isteach i gceardchumann;
- sos agus só a bheith aige/aici;
- caighdeán sláintiúil maireachtála a bheith aige/aici;
- oideachas a bheith aige/aici.

Féin-Athbhreithniú

Cá thábhachtaí, dar leat, atá do chuid foghlama i Saoránacht Áitiúil agus Dhomhanda?

Cad é mar a mhothaíonn tú faoi do chuid foghlama i Saoránacht Áitiúil agus Dhomhanda?

Cad é a bhí ina chuidiú agat agus tú ag foghlaim faoin tSaoránacht?
nó Cad é an dóigh foghlama is fearr a bhí agat sa tSaoránacht?

Cad iad na scileanna nua atá forbartha agat i do chúrsa Saoránachta?

Cad iad na dóigheanna ar úsáid tú a bhfuil foghlamtha agat faoin tSaoránacht?